

UUT'T OLDE VODDEN

kHebbe in mien jonge joaren
Us an een driëfjach met edoan.
kWazze netuurluk gin jager,
Moor bun as driëver met egoan!
Och, ai jonk bunt wiej wat leern
En alles ok métmaken,
Toe der dan een kansjen was
Wis ik toor op in te haken!
In een plaasse as Vodden
Woor vólle kastelen bunt
Door's vake té vólle wild,
Waj met jagen beperken kunt!
Want al dee mooie beesjes
ëft in de busse,
Dee mees lè As ter doorvan te
vólle bunt
Dan wod ut ech een klusse!
ène,
Denk moor us an wilde kni As tee
bunt met n grote trop
Dan kan de boer zich wel bergen,
Ze vret um de oorne van de kop!
Dan vret ze zien pòotgoed op
En wat hee ook geet zaaien,
tKan soms zo slim wel wodden
Dat ter niks is daj kònt maaien!
Dat kan de boer neet hebben,
Hee mot tbedriëf toch runnen!
Dus mot ze op zien minste wel
Dee kniënzwerf uut-dunnen!
Door op zon december-margen
Kwam ik bieje driëver-schare
Op te plaasse zo as besteld,
Woor ze kwammen bieje mekare.
Tej mot ter oew noa kleejen, Kònt
ut beste pak neet an!
Want an struiken en deure-
deurne
Bliëf iej soms hòaken dan!
Dus een betjen old en sterk,
Kleere dee ok wat kònt liën,
Zo zól iej dee driëvers
Door dan ok altied ziën
kHad waterdichte kisjes an
Want twas toor soms wel nat!
En natte veüte dat is iets
Woor ik gin zin in had!
Veur mien onderbéne
Hak soldoaten-poetjes eleend
Dat waarn héle lange winsels
Zo beschermden ik mien gebeent!

Met dee zo geneumde poetjes
Begon ie bōvenkante schoë,
tGing um de enkel eers,
En dan draaiden iej moor toë
tWinsel heel ie in de hand
Zo ai dat met veband ok dee,
Dan won iej twiëter um de kuut
Tut de onderkante kneë!
Zo hadde ik tat aan e pakt
kVeulden mien een jager hoas,
Al was k dan moor een driëver
kWazze toch een hele boas!
Van wel viefentwintig driëvers
was k den jongsten van de trop
Moor door zok neet um treurn
Door scheet iej niks met op!
Jagers waren der moor viëve
Mees dee kastelen heern,
Een enklen schot zo slech
Daw zeien dén mot tnog leern!
An de rand tan van zon bos
Gingen driëvers zich opstellen.
Eëvenwiedug zowat verspreid,
Met een knuppel van n paar ellen!
As de heern jagers zo wiet waarn
An drandre kante van tbos
Dan zolle wiej een fluitjen heurn
En dan ging ut ter op los!
tWas klop, klop, klop en prr br!
De jachopziener had ons ezeid
Jonges wiej der veral an denken
Goed kloppen in de roewugheid!
Aw een endjen tbos in waarn
Heurn wiej al ut eerste schot!
Want de háze en kniëne leepen
Noa veuren, van ons vot!
Zee leepen zo in de hinderlaag
Veur de loop van de gewiern!
Met achter zich driëvers geweld,
Konnen zee neet ummekeern!
Zo kamden wiej de busse uut
Dr kwan heel wat veur den dag
In de wildwagen dee ok met reed
Hin al meer as dak had adach!
Ok de kampe en de weien
Leepe wiej dan zo deur
De háze joege wie ut tlaëger
En dreven ze zo noa veur!
Alléne bieje een reëen-bos
Hadden ze een andere methode
Want reëen bunt wat eigenwies

Dee hebt eur eigen moede!
Zee hebt mees vaste plaassen
Hoas altied int zelfde bos
Dee plaassen bunt wel bekend
Dus wisse wiej woorj wèzen mos!
As de driëvers zon bos in goat
Loop de reëen tegen eur in!
De jagers blijft daarom achter
stoan
Achter driëvers, bieje tbegin!
Dus dee reëen-slimmugheid
Helpt eur ok al gin zier
De mense bunt toch altied weer
Moor slimmer as een dier!
tGebeurden dee dag ok
Dat een an-eschotten kniëne
Vot leep noa een ander bos,
Iej konnen zeen met vólle piëne!
Toe bleek mien dat dee jagers
Ok hebt wel ech een hartjen,
De beron zei: „Zoek um op,
Wie um vindt krijgt een
kwartjen!”
Alle driëvers ter op af,
Ene was ter dee um zag
Den hadde toe toch moor
Een hele beste dag!
Want een kwartjen dat was toe
Meer as noew een tientje weerd!
tKniën moch gin LANGZAME
dood
Dat hef de beron mien door
eleerd!
Wak ook nog al bezunder vonne:
Op een zeker moment
Kreeg iederene een borrel
Door waarn ze slim mee kontent!
Een heel groot glas jenever
Kreeg ik ok in de hand.
Met beie ogen kek ik trin
tGing mien hoas bōven ut
vestand!
Moor kheb ter dapper in ehapt
En ut ok deur-eslokken,
Eers in mien keël en later ok
In mien máge bleef ut klokken!
Misschien kump t doorvan wel
Dak neet graag jenever drinke,
kHebbe ok noew nog graag
Iets anders woor'k met klinke!
Ome Jehan.